

Edukimi për Zhvillim dhe Shtrirje Kulturore / Education for Development and Cultural Outreach

Ky statut do të qeverisë shoqatën jofitimprurëse “Edukimi për Zhvillim dhe Shtrirje Kulturore / Education for Development and Cultural Outreach”, të themeluar në pajtim me Ligjin Nr.06/L-043 për Lirinë e Asociimit në Organizatat Joqeveritare në Republikën e Kosovës.

Neni 1

Emri, forma dhe adresa

1. Organizata do të quhet “Edukimi për Zhvillim dhe Shtrirje Kulturore / Education for Development and Cultural Outreach”
2. Ajo mund të njihet edhe si “EDUCO”
3. Organizata është shoqatë jofitimprurëse, sipas definimit të dhënë në nenin 16 dhe 20 të Ligjit Nr.06/L-043 për Lirinë e Asociimit në Organizatat Joqeveritare në Republikën e Kosovës.
4. Organizata nuk do të bëjë shpërndarjen e çfarëdo të ardhure neto ose fitimi si të tillë për asnjë person. Pasuria, të ardhurat dhe fitimet e organizatës do të përdoren për të mbështetur qëllimet jofitimprurëse të organizatës dhe nuk do të përdoren për të krijuar përfitime të veçanta individuale, qoftë në mënyrë të drejtëpërdrejtë apo tërthorazi për asnjërin nga themeluesit, drejtorin, nëpunësit, ndonjë anëtar të shoqatës, ndonjë të punësuar apo donator të OJQ-së. Megjithatë pagesa e kompensimit të arsyeshëm për këta persona mund të bëhet për punën që këta persona bëjnë për këtë organizatë.
5. Çdo transaksion ndërmjet OJQ-së dhe një organizate tjetër të ndërlidhur, apo ndërmjet OJQ-së dhe anëtarëve, zyrtarëve, anëtarëve të bordit ose punonjësve të saj ndalohej, përveç, nëse organi drejtues vendos, pas hetimeve të arsyeshme, se transaksioni është në interes, i drejtë dhe i arsyeshëm për OJQ-në, dhe se OJQ-ja nuk kishte mundur të sigurojë marrëveshje më të favorshme me përpjekje të arsyeshme dhe brenda rrethanave ekzistuese.
6. Organizata mund të angazhohet në aktivitete ekonomike me qëllim të mbështetjes së aktiviteteve të saja jofitimprurëse, në pajtim me paragrafin 1.4 të këtij Statuti dhe nenin 35 të Ligjit për Lirim të Asociimit në OJQ Nr.06/L-043, me kusht që të ardhurat e realizuara nëpërmjet të aktiviteteve ekonomike të shfrytëzohen ekskluzivisht për të arritur qëllimet e theksuara në këtë statut.
7. Organizata e ka zyrën e saj qendrore në **Rr. Zahir Pajaziti nr.100, 20000 Prizren, Kosovë.**

Neni 2

Themeluesit

1. Themelues të organizatës janë:

- Veron Tara, Rr. Xhavit Bajraktari nr.43, Prizren, Kosovë
- Enis Shkurti, Rr. Kurila Nr 60, Prizren, Kosovë
- Elmedina Shkurti Haxhifazliu, Rr.Rexhe Kabashi nr.1, 2, 2/Prizren/Prizren

2. Kuvendi i Anëtarëve vendos për përfaqësuesin e autorizuar të OJQ-së, i/e cili/a përfaqëson organizatën dhe pranon të gjitha shkresat zyrtare në emër të organizatës. Ai ose ajo është përgjegjës për informimin e autoriteteve kompetente për çfarëdo ndryshimi në të dhënat e deklaruar në rastin e regjistrimit të organizatës.

Neni 3

Qëllimi

1. Organizata është themeluar me qëllim të:

Promovojë akses në arsim cilësor dhe mundësi shkëmbimi kulturor në komunitetet e paprivileguara në mbarë vendin. Ne besojmë se arsimi është një e drejtë themelore e njeriut dhe një mjet i fuqishëm për zhvillimin personal dhe shoqëror. Nëpërmjet programeve tona, ne përpiqemi të fuqizojmë individët dhe komunitetet për të arritur potencialin e tyre të plotë dhe për të dhënë kontribute pozitive për shoqëritë e tyre.

Qëllimi i fokusuar në shtrirjen kulturore do të jetë:

- Promovimi i shkëmbimit kulturor dhe mirëkuptimit midis komuniteteve dhe vendeve të ndryshme.
- Ruajtja dhe festimi i traditave dhe trashëgimia kulturore e komuniteteve të ndryshme.
- Edukimi i publikut për kulturat e ndryshme dhe kontributin e tyre në vend.
- Avokimi për të drejtat dhe nevojat e grupeve kulturore të marginalizuara ose të nënpërfaqësuar.
- Mbështetja e zhvillimit të programeve dhe iniciativave kulturore në komunitetet anembanë vendit.
- Lehtësimi i mundësive të shkëmbimit kulturor për individët, siç janë programet e studimit jashtë vendit ose programet vullnetare.
- Bashkëpunimi me organizata dhe qeveri të tjera për të promovuar ndërgjegjësimin dhe mirëkuptimin kulturor.
- Sigurimi i burimeve dhe mbështetje për të ndihmuar grupet kulturore të ruajnë dhe ndajnë traditat dhe trashëgiminë e tyre.
- Inkurajimi i dialogut dhe mirëkuptimit të ndërsjellë midis njerëzve të kulturave të ndryshme.
- Puna për eliminimin e diskriminimit dhe promovimin e përfshirjes dhe diversitetit brenda komuniteteve dhe shoqërive.

2. Fushëveprimtaria e Organizatës:

Për t'i përmbushur qëllimet e saj, organizata do të ndërmarrë, por nuk do të kufizohet vetëm në këto lloje të aktiviteteve:

- Aktivitete Kulturore
- Aktivitete Përfshirje sociale
- Aktivitete për Edukim/Trajnim
- Aktivitete për Rini
- Aktivitete për Trashëgimi Kulturore

Neni 4 Anëtarësimi

1. Anëtarësimi në organizatë është i hapur për çdo person pavarësisht prej racës, ngjyrës, gjinisë, gjuhës, fesë, mendimeve politike ose të tjera, prejardhjes kombëtare a shoqërore, lidhjes me ndonjë komunitet, pronës, gjendjes ekonomike, sociale, orientimit seksual, lindjes, aftësisë së kufizuar ose ndonjë statusi tjetër personal. Për t'u anëtarësuar në organizatë, secili i interesuar duhet të pranojë Statutin dhe Misionin e organizatës dhe të angazhohet për përmbushjen e qëllimeve të organizatës.

2. Kuvendi i anëtarëve do të vendos nëse do të kërkohet pagesa e anëtarimit nga anëtarët. Në rast të vendosjes së pagesës së anëtarimit, Kuvendi do të vendosë për rregullat dhe procedurat e pagesës së anëtarimit, përfshirë marrjen e masave të ndryshme, deri në përjashtimin e anëtarit nga organizata në rast të mospagesës së anëtarësisë.

3. Anëtarësimi i ndonjë anëtari gjithashtu mund të përfundojë ose suspendohet me vendimin e Kuvendit të Anëtarëve në rast të:

- mos respektimit të statutit të organizatës;
- shkelje të ligjeve në fuqi;

Në rast të suspendimit, kohëzgjatja e suspendimit do të përcaktohet nga anëtarët e kuvendit.

4. Përfundimi ose suspendimi i anëtarimit nga Kuvendi i Anëtarëve do të vendoset me shumicë të anëtarëve prezent.

Neni 5 Kuvendi i Anëtarëve

1. Kuvendi i Anëtarëve është organi më i lartë qeverisës i organizatës. Ai përbëhet prej të gjithë anëtarëve të organizatës.

2. Kuvendi i Anëtarëve ka përgjegjësinë më të lartë për politikën dhe çështjet financiare të organizatës. Në këtë kuadër, Kuvendi i Anëtarëve ka kompetencë të zgjedhë dhe të shkarkojë

zyrtarët në pozita udhëheqëse të OJQ-së, të aprovojë raportet periodike financiare dhe të punës, të interpretojë dhe ndryshojë Statutin, si dhe të vendosë për bashkimin, ndarjen apo shuarjen e OJQ-së. Këto përgjegjësi nuk mund të delegohen në organet tjera më të ulta.

3. Përpos përgjegjësive të rezervuara që ka, Kuvendi i Shoqatës gjithashtu ka edhe këto përgjegjësi:

- të zgjedhë dhe shkarkojë Drejtorin Ekzekutiv të organizatës,
- të aprovojë raportet periodike financiare dhe të punës,
- të interpretojë dhe ndryshojë Statutin,
- të kontrollojë mbarëvajtjen e punës dhe atë financiare sa herë që e shih të nevojshme.

4. Kuvendi i Anëtarëve mund të delegojë ndonjë prej përgjegjësive të tij në organin tjetër udhëheqës të ndërmjetëm, Bordi Këshillues ose edhe të punësuar të organizatës, me vendimin e shumicës së anëtarëve të tij, me përjashtim të përgjegjësive të cilat nuk delegohen sipas nenit 31 të Ligjit Nr.06/L-043 për Lirinë e Asociimit në Organizatat Joqeveritare në Republikën e Kosovës dhe paragrafit 2 të Neni 5 të këtij Statuti.

Neni 6

Mbledhjet e Kuvendit të Anëtarëve

1. Kuvendi i Anëtarëve do të takohet së paku një herë në vit në Mbledhjen e Përgjithshme Vjetore (MPV) ku shqyrtohet dhe miratohet raporti për mjetet, deyrimet, të ardhurat, shpenzimet dhe programet e organizatës për vitin e kaluar, si dhe plani për mjetet, e detyrimet e parapara, të ardhurat, shpenzimet dhe programet e organizatës për vitin e ardhshëm.

2. Kuvendi i Anëtarëve mund të takohet gjithashtu edhe në Mbledhjen e Përgjithshme të Jashtëzakonshme (MPJ) kurdoherë që kërkohet nga gjysma e anëtarëve ose nga organet tjera të ndërmjetme. Një kërkesë e tillë duhet t'i drejtohet Kryesuesit të Kuvendit të Anëtarëve i cili do të lajmërojë për takimin të gjithë anëtarët, në pajtim me procedurat e përcaktuara në paragrafin vijues.

3. Lajmërimi me shkrim për MPV dhe/ose MPJ, duke përfshirë datën dhe vendin e mbajtjes së mbledhjes, së bashku me rendin e ditës për mbledhjen do t'u shpërndahet të gjithë anëtarëve së paku shtatë ditë para ditës së mbajtjes së mbledhjes.

4. Për mbajtjen e mbledhjes është e nevojshme pjesëmarrja e më shumë se gjysmës së anëtarëve. Nëse ky kuorum nuk arrihet në tentimin e parë, takimi do të shtyhet për një ditë të përcaktuar më vonë dhe lajmërimi i ri do t'u dërgohet të gjithë anëtarëve.

5. Secili anëtar i organizatës ka një votë në Kuvendin e Anëtarëve.

6. Vendimet në Kuvendin e Anëtarëve do të merren me shumicën e anëtarëve prezent.

7. Asnjë anëtar i të Kuvendit të Anëtarëve nuk i lejohet të marrë pjesë në diskutim apo në marrjen e vendimit për çështje ku ai ka interes direkt apo indirekt ekonomik. Anëtar i Kuvendit të Anëtarëve konsiderohet se ka interes ekonomik nëse ai/ajo, ose cilido anëtar i familjes së tij ka interes direkt apo indirekt ekonomik.

Neni 7

Organi udhëheqës i ndërmjetëm (Bordi)

1. Bazuar në përgjegjësitë e dhëna me këtë statut, organi udhëheqës i ndërmjetëm Bordi Këshillues duhet të veprojë çdo herë në pajtim me qëllimin e organizatës.

2. Bordi do të ketë këto përgjegjësi:

- Sugjerime për zgjerimin e shtrirjes ose ndikimit të organizatës;
- Rekomandime për partneritete ose bashkëpunime me organizata të tjera;

3. Bordi zgjedhet nga Kuvendi i Shoqatës. Ata do të zgjedhen individualisht me shumicë të votave nga anëtarët e pranishëm. Mënyra e zgjedhjes dhe rregullat e punës së anëtarëve të Bordit mund të rregullohen me një Rregullore të veçantë për punën e Bordit, e cila aprovohet nga Kuvendi i Anëtarëve me shumicë votash.

4. Bordi do të ketë të paktën 3 (tre) anëtarë, njëri nga të cilët duhet të zgjedhet si Kryesues i Bordit.

5. Anëtarët e Bordit mund të zgjedhen për mandate të njëpasnjëshme.

6. Anëtarët e Bordit mund të shkarkohen para përfundimit të mandatit me shumicë votash të Kuvendit të Shoqatës.

7. Mandati i anëtarit të Bordit pushon:

Në rast të vdekjes,
dorëheqjes ose
shkarkimit nga Kuvendi i Anëtarëve.

8. Në rast të përfundimit të parakohshëm të mandatit të anëtarit të Bordit, Kuvendi i Shoqatës duhet të zgjedh pasardhësin për të shërbyer për kohën e mbetur.

9. Vendimet në Bord merren me shumicë votash të anëtarëve prezentë.

10. Bordi mund të vendosë t'i drejtohet për çfarëdo çështje Kuvendit të Anëtarëve për marrje të vendimit.

11. Kurrëfarë pagese ose kompenzimi nuk duhet t'u bëhet anëtarëve të Bordit pa aprovimin e Kuvendit të Anëtarëve dhe vetëm kur pagesa ose kompenzimi është i arsyeshëm dhe bëhet për punën e kryer për organizatë.

12. Asnjë anëtar i Bordit nuk i lejohej të marrë pjesë në diskutim apo në marrjen e vendimit për çështje ku ai ka interes direkt apo indirekt ekonomik. Anëtar i Bordit konsiderohet se ka interes ekonomik nëse ai/ajo, ose cilido anëtar i familjes së tij ka interes direkt apo indirekt ekonomik.

Neni 8

Zyrtarët dhe Nëpunësit

1. Në rast nevojë organizata punëson persona që të marrin përsipër kryerjen e detyrave ditore të organizatës.
2. Zyrtarët duhet të punësohen në përputhje me Ligjin e Punës në Republikën e Kosovës, të gjitha të ardhurat dhe të mirat e tjera që duhet t'i paguhen Zyrtarit, si dhe obligimet dhe përkrahimin e punës dhe përgjegjësi të Zyrtarit. Të gjitha pagesat duhet të jenë të arsyeshme dhe duhet të paguhen vetëm për punën e kryer për organizatë.

Neni 9

Shpërbërja e organizatës

1. Organizata mund të shpërbëhet me vendimin e shumicës së anëtarëve të Kuvendit të Anëtarëve.
2. Kur të vendos për shpërbërjen e organizatës, Kuvendi i Anëtarëve do të tregojë emrin e Organizatës joqeveritare në Republikën e Kosovës që do të marrë pasurinë e mbetur pasi të jenë paguar borxhet e organizatës. Organizata joqeveritare e zgjedhur duhet të ketë qëllim të njëjtë ose të ngjajshme sikurse organizata.

Neni 10

Ndryshimet e statutit

1. Statuti i tanishëm mund të ndryshohet me vendimin e dy të tretave të anëtarëve të Kuvendit të Anëtarëve.

Neni 11

Periudhat e Raportimit dhe Viti Financiar

1. Bordi dhe Zyrtarët e emëruar do të paraqesin raporte vjetore para Kuvendit të Anëtarëve, MPV ose kurdoherë që kërkohet nga një MPJ.
2. Viti financiar i organizatës do të përputhet me vitin kalendarik.

Ky statut është aprovuar në **Prizren**

Më **24.12.2022**

A handwritten signature in blue ink, consisting of stylized, flowing letters, positioned above a horizontal line.

Veron Tara